

中年縣志

乾

150-25

8

中牟縣志序

縣之有志猶國之有史也藉以表賢哲旌節孝紀禮俗傳
文獻社會之變遷民生之因革胥於是焉徵知則其關係
之重詎可言喻哉我國自辛亥革命以遠國事日非內亂
頻仍倫亡法斁網墜紀弛以致農村破敗哀鴻遍野民生
之艱困未除故文獻之脩整亦未暇計及也今者國是畧
定政輪入軌政府乃明令省縣重脩志乘此蓋否極生泰
剝極轉復之先兆乎本年二月予受命宰中牟問政之初
悉本縣縣志經前任縣長薛君正清凌君士英計劃脩纂
惜解組息促未竟厥功因聘前縣長桐柏熊紹龍君縣教

中牟縣志

序

一

中牟明德堂印

育局局長宋子殷君暨縣中士君子從事編纂凡五越月
而脫全稿可殺青寫定予惟中牟縣志創脩於明正德九
年嗣後則萬歷二十三年天啟四年續有纂脩迨清順治
己亥脩志時則明志已不可復得矣而自清初以來一脩
於順治己亥再脩於康熙乙卯三脩於乾隆甲戌率皆雲
烟散佚莫可搜求今所依據乃同治九年邑令錢塘吳公
若煥所脩之本體制美備數能增損故今茲之脩一仍吳
之舊貫分為天時地理人事三編而圖表附見焉踵事增
華去繁揭要其便閱覽益考核者為不火矣至於襄纂之
功草創者杜君滋旃也總纂潤色者熊君紹龍也採訪者

全縣士君子也予則自愧無能為役樂觀厥成而已
中華民國二十四年七月上浣中年縣長蕭德馨謹序

中年縣志

序

二

申明德堂印

中年縣志序

中華民國十有五年夏間愚權知中年縣事者三十餘日從同年邑人辛肖棠君處借閱縣志係清同治九年知縣吳若娘脩本嗣軍事迭興地方不靖越四年國政始統一又四年即二十一年冬間宋子殷來汴相訪謂邑人擬重脩縣志屬愚任編纂役夫縣之有志如國之有史古人謂脩史須具三長才學識也愚不才無學無識何以編志繼而思之志者記實也徵信為本愚曾蒞年畧有所見聞掬實而紀之亦應負責任因向宋君表示同意宋君遂而取邑人杜滋旃君所擬志草及與役諸君採訪各稿併舊志

中年縣志

序

三

中明德堂印

若干卷以偕來時愚方疲於行役未暇校閱次年自春徂秋酷暑漸遠乃執筆而整理之就滋旃君所分類首志天時因自然也次志地理具形質也次志人事究變遷也附以圖表便檢查也噫世之脩志者每期博雅求美觀為縉紳學士所推重而非民衆所能普讀但留備各圖書館之陳列品耳愚則謂志應踏實俾生斯土長斯土者咸得知斯土之天時地理人事以適其生乃不為虛拘否則近於偽飾矣茲編雖陋惟不蹈虛憶愚仕魯治郟城時隣蘇沐陽有作沐陽風土記者由縣署當時尚稱縣公署頒發各小學為必修課計卒業時適足讀竣邑中求學子弟得知本地方一

切狀況及鄉先民事蹟觀感興奮之情當所同具邁進時
亦必能協力茲編之成倘亦適用於中牟小學課程乎尤
所拳念云

民國二十有四年三月前知中牟縣事南陽熊紹龍

原序一

萬物師天地天地師自然古今治亂成毀極則必變變則必復而亦自然之理也彥芳蒞牟二日恭承大中丞賈撫軍檄脩邑志牟之志燬於兵燹三十年矣毀盡而後成可期亂極而今治可臻其將變而之復之候乎孔子言夏殷之禮徵文考獻古帝王有天下未有不相師者循厥事跡究厥精微徵其足不徵其不足此所以志也出胸中臆說無知而妄作孔子無取焉攷牟志一脩於明正德九年再脩於陳幼學先輩為萬曆二十三年三脩於天啟之四年今薦紳家無藏本父老不能言遺事按圖而索駿即不得

中年縣志

序

五

申明德堂印

駿得常馬圖具在焉乃知常也如無馬何哉彥芳滋懼矣於是走一介秦晉之區而又東走鄒魯齊金幣南適吳越北適燕揭鼓求亡子不啻也瞽無相依張乎不知所之終夜有求幽室中檝燭曷見彥芳滋懼矣同里徐子延壽者究心史學彥芳自京師挈僭來牟謂予曰昔之水火今之水火也披駝銅於棘中延壽任探驪珠於領下子大夫任時在孟夏烈日炎威徐子則筆彥芳則削徐子討論之彥芳脩飾之六閱月而志成今夫賁者飾也致飾至亨盡故受之以剝剝者剝也物不可以終盡剝窮上反下故受之以復復其見天地之心乎積陰之下天地生物之心幾於

滅息而至此乃復可見蓋消長相因天之理也陽剛君子之道長此其時乎大中丞公撫豫訪古賢者之所以治豫者治今之豫諸興利剔弊如何生聚如何教訓因革損益務必講求盡善而非郡縣志末由又復者反善之義也君子之道既復則漸以亨通澤於天下故謂復亨陽氣復生地中漸亨盛而生育萬物一也然此何非天運之自然也哉且夫所謂自然者天心人事物理合焉者也人不能與天違物不能與人違天不能與人物違况年有天地日月之祥有山川封域之險有人物官師之序有禮樂誅賞有忠孝文章而謂予能與年違哉河洛圖書在未有文字前

中牟縣志

序

六

中牟明德堂印

邱墳典索在既有文字後作者何容心焉遂其自然而已矣夫自然天地且師之而况於人乎司馬遷作史記述陶唐以來至於麟止不得金匱石室之藏不能成書說者才學識世罕有兼之故史才少周禮小史掌邦國之志縣志亦史也泥斯二者頭白可期汗青無日矣是志也成治亂成毀剝復之理亦祇還其自然而已矣彥芳亦何容心焉惟是無疆之大歷歸之朝廷不朽之盛名歸之大中丞公彥芳藉手得不辱命是則彥芳區區之誠也若夫不忘徐子采輯之功倘亦彥芳不没人善云爾謹序

清順治己亥知中牟縣事古閩吳彥芳謹識

原序二

中牟自兵燹以來舊志失傳幸前令吳君彥芳於叔灰洪流之餘採訪故老博蒐金石加以體裁編輯成書可稱巨觀矣但歲月遷移時勢變更有昔無而今有者有昔創而今因者有昔不暇舉而今得詳行者若不增輯續載事久而湮傳訛滋謬俾邑之父老子弟靡所觀感豈非莅茲土者不能興舉廢墜之過哉是歲之秋解元冉永光雅有同心進商績梓於予予唯唯爰取故版附以近事舉十七年來人物科目政治風俗興改盛衰之故彙然眉列存實黜偽字櫛而句比之條貫次序一循其舊即前志有未悉者更為探蹟括隱補遺增闕訂亥辨魯魚信益求信疑復存疑庶井里之樂利永垂先後之人文並駕披覽之下不致有拱壁弗完之嘆矣付之剞劂如式補刊是役也蒼萃任勞者冉君也捐橐囊工者闔邑士大夫也若予則碌碌因人耳是為序

清康熙乙卯知中牟縣事高陽韓蓋光謹識

中牟縣志

序

七

中明德堂印

原序三

余幼讀東漢諸名臣傳見扶風魯大司徒令牟時化著三異古今稱最心竊羨之意流風餘韻心猶有存者嘗欲得牟志觀之以知其詳丁卯冬余自涇奉調來牟披覽舊志字多磨滅或依稀得諸行間或連篇累頁無復點畫可辨蓋此志脩於順治己亥再脩於康熙乙卯迄今已八十年矣其間治績之循良景物戶口之繁滋以及忠孝節義文人學士可以資觀感供則微者指不勝屈若不及時纂輯奚以備觀風者之采擇乎爰謀之司鐸王君急圖增訂會王師奏凱西陲戎行絡繹余身羈軍站有懷未遂庚午恭

中年縣志

序

八

中年明德堂印

逢鑿與經臨脩營除道匆匆無須臾暇嗣又有博浪之役黃水為灾工務紛紜八閱月未遑窺處迨諸務甫畢遂復與司鐸王君謀及此而邑孝廉王子廷宣梁子三韓文學較子事本亦雅有同心授以累年所采訪者供其廩餼開館分輯正將訂其成而付之梓適余委署睢州越數月又奉鈞陽之檄旋又代篆許昌風塵鞅掌終無暇及夫余前未歷牟而欲觀牟志既恨無由今已任牟而欲成牟志又屢不果豈天之不欲成牟志耶抑牟志之成有定候而不可強耶迨至甲戌秋七月余由許回牟司鐸王君已擢去乃復延王子廷宣輩及諸生優於學者分類排纂至九月

始成完書而邑中紳士亦同善是舉協力以襄厥工工甫
作有為余言者曰公此舉誠善第脩志原以述舊聞增新
款備將來者之考核也今相其卷帙於舊本半歸刊落恐
有罅漏而條例款式視昔日亦有異同能無嫌於變古歟
或又曰不然舊本泛而寡要冗而失實今剛去繁蕪括其
要領凡諸事有關本邑利弊者乃載之則工不勞而事易
就文不繁而覽易竟且條例款式舉類分章隨裁辨體是
變而得其中也抑又何嫌昔歐陽脩脩五代史文省於前
事加於舊後人稱之諒我公亦同此意耳且公昔因魯公
之治牟而欲觀牟志後之人亦必因公之脩志而愈欲觀
牟志也竊容過訾哉余唯唯否否笑而謝之余惟喜志之
有成而數年心力不致徒勞至於考索編摩之詳筆削校
正之當又諸君子贊成之力也余何與焉
清乾隆十九年知中牟縣事東武孫和相撰

原序四

先大父協揆公敬歷中外六持東河之節每歲巡視西行必自濟躡黃而汴歷京及索以歸紀其形勝若煇披攷置原知詩所詠東有甫草為周宣王巡狩所及蓋今之中牟地也國朝以來布政司治祥符距牟僅數十里巋然為省西巨鎮其山川民物宜何如雄富殷繁耶咸豐己未若煇需次來豫每奉檄入洛輒經斯土則黃沙白草井里蕭條匪獨異於古所云也其視協揆公所誌昔年情形亦迥不相侔詢諸父老知牟地窪下屢為河逼幸賴聖天子軫恤民艱再四減賦以寬紓之民乃不至他徙而若煇於同治

中牟縣志

序

一。

中明德堂印

己巳來權斯邑其去榮工之塞甫數月耳瘡痍未起邨落邱墟亟欲索志考型宗前哲之撫摩為藐躬之箴臬吏白以髮捻交躪版佚無存乃借諸藏書家則自乾隆十九年後又失脩矣余益感然曰微特棗梨灰燼莫資考鏡即存亦時歷百十餘年世殊事積其間名儒賢宦忠孝義烈未著於篇者何限不有以志之無以見此邦之蘊蓄者厚而自來賢有司之培植者深也幸秋小稔乃進紳耆而商補綴僉曰善此實前大尹歐陽公有志未逮量遷於葉期諸歸來者也今奉命敢不踴躍從爰即聚諸文士博采廣搜不憚煩瑣其有年遠代湮傳聞失據者上諸台司證以官

續仿先君子太守公刊脩平度州志義例與衡水友人焦子蕃明經編釐商訂反覆推研恒達旦不寐半載脫稿折衷於何夢廬前尹倉靜則廉訪節冗正譌前後十有三月而藏其事今將付剞劂應誌顛末以待後賢起衰振廢繼跡扶風若以殘畧不屬之作謂足供攷鑑備采風夫何敢然夫何敢然

清同治九年歲在庚午仲冬月錢塘吳若煊謹識

續脩中牟縣志銜名

編纂

前中牟縣知事
河南高等法院書記官

主纂

中牟縣縣長

桐柏縣熊紹龍

前中牟縣縣長

偃師縣蕭德馨

前中牟縣縣長

脩武縣凌士英

前中牟縣縣長

陝西韓城縣薛正清

參訂

江西省鄧尉山

縣立民衆教育館館長

邑人李培芬

中牟縣志

銜名

一二

中明德堂印

開封河務總局秘書

邑人王希曾

倡脩

教育局局長

邑人宋子殷

前縣黨部委員

邑人朱光華

第二區區長

邑人閻紹精

商會主席

邑人蘇壽岑

救濟院院長

邑人王子久

第七區區長

邑人袁濟眾

前第六區區長

邑人張仁炳

前縣政府第一科長

汲縣趙佑巖

主任

教育局局長
財務委員會委員長

編輯

教育局文書員

校對

教育局縣督學

繪圖

前新安榮陽洛陽縣縣長
北京陸軍測繪學校畢業

河南地政籌備處課員

事務

中年縣志

銜名

一三

年明德堂印

教育局會計員

邑人 柴芳桂

書記

前第一女子小學校事務員

邑人 陳家琦

前縣立第一小學教員

邑人 婁和禮

採訪

河南第一區行政督察專員公署第四科主任

淮陽 葉湘梅

前縣政府第三科科長

脩武 閻子俊

教育局縣督學

睢縣 周宗文

第三區教育委員

邑人 朱濟陽

第五區教育委員

邑人 李印渠

開封私立女子職業中學校長

邑人倉辛蘭君

第七區教育委員

邑人孔慶辰

縣立中學校事務員

邑人張葆元

教育局辦事員

邑人喬登高

前第一女子小學校長

邑人萬周淑珺

辛寨初級小學校教員

邑人許壽慈

教育局辦事員

邑人王士賢

前苗圃圃長

邑人張羅英

前公款局局長

邑人李成溪

前教育局事務員

邑人賀錫齡

中牟縣志

銜名

一四

中明德堂印

前第一女子小學校長

邑人段文中

第一區立小學校長

邑人李培英

第一區區長

邑人李宗漢

第三區區長

邑人閻守經

第六區區長

邑人婁季倬

第五區區長

邑人李培薰

第八區區長

邑人張培楓

前縣黨部委員

邑人路守正

前滎陽縣政府第二科科長

邑人周樹楨

前第三小學校教員

邑人李繼統

第二區立完全小學校長

邑人 閻文燦

財務委員會書記

邑人 段錦華

前自治籌備處主任

邑人 李國材

前建設局技術員

邑人 婁季儒

振務分會委員

邑人 婁季脩

董崗公立初級小學教員

邑人 閻承典

警察所巡官

邑人 呂宣武

縣立女子小學校教員

邑人 吳允昂

前縣議會議員

邑人 許文壇

前工業學校校長

邑人 車書麟

中牟縣志

銜名

一五

中明德堂印

縣立短期義務學校教員

邑人 呂馬淑慎

前民團團總

邑人 席全慶

第一區教育委員

邑人 段文卿

醫士

邑人 辛寓仁

醫士

邑人 王鴻昌

第四區教育委員

邑人 徐建勳

第五區孫庄公立初小校教員

邑人 張汝翼

前勸學所所長

邑人 馬繩武

縣立醫院西醫士

邑人 趙本立

縣立醫院中醫士

邑人 李海文

縣立初級中學事務主任

邑人張國威

中牟縣志

銜名

一六

中牟明德堂印